

# Unsay Buot Ipasabot sa Paglihok Diha sa Hugot nga Pagtuo?

MATERYAL SA SEMINARY ALANG SA BAG-ONG TUGON

Basaha ang *Mahinungdanon nga Dokumento sa Doktrinal nga Kahanas* (2022) “Pag-angkon og Espirituhanong Kahibalo,” mga parapo 1–2 ug 5–7 ug ang mosunod nga pamahayag ni Elder Neil L. Andersen sa Korum sa Napulog Duha ka Apostoles. Samtang nagtuon ka, pangitaa kon unsa ang buot ipasabot sa paglihok diha sa hugot nga pagtuo ug kon unsa ang makatabang kanimo aron magamit kini nga baroganan kon ikaw adunay mga pangutana.



Ang pagtuo dili moabot kanato pinaagi sa sulagma ni magpabilin kanato pinaagi sa katungod sa pagkatawo. ... Ang hugot nga pagtuo diha ni Jesukristo usa ka gasa gikan sa langit nga moabot samtang kita mopili nga motuo ug samtang kita magtinguha ug maghupot niini. ... Ang gidak-on sa inyong pagtuo sa umaabut dili pinaagi sa sulagma, apan pinaagi sa pagpili. ...

Ang pagtuo dili gayod mangayo og tubag sa matag pangutana pero magtinguha sa kasiguroan ug kaisog sa pagpadayon, usahay sa pag-ila nga, “Wala ko masayod sa tanan, pero nasayod ko og igo aron magpadayon diha sa dalan sa pagkadisipulo.”

Ang pagtugot sa kaugalingon diha sa kanunayng pagduha-duha, nga maoy giawhag gikan sa mga walay pagtuo ug sa mga dili matitud-anon, makapahuyang sa pagtuo diha ni Jesukristo ug sa Pagpahiuli. “Ang tawo nga kalibotanon dili magadawat sa igatudlo sa Espiritu sa Dios: kay alang kaniya kini mga binuang.” [1 Mga Taga-Corinto 2:14]. ...

Bisan kon sa pagsugod ang inyong pagtuo tingali gamay ra, ang matarong nga mga pagpili makahatag og mas dakong pagsalig sa Dios, ug ang inyong hugot nga pagtuo molambo. (Neil L. Andersen, “Ang Pagtuo Dili pinaagi sa Sulagma, apan pinaagi sa Pagpili *Liahona*, Nob. 2015, 66)

- Sa imong hunahuna, nganong importante man ang paglihok diha sa hugot nga pagtuo kon kita adunay mga pangutana ug mga kabalaka?
- Unsay imong nakat-onan gikan niini nga mga pagbasa mahitungod sa unsay gipasabot sa paglihok diha sa hugot nga pagtuo?